

Na osnovu člana 257. a u vezi s članom 230. Zakona o privrednim društvima („Službene novine FBiH“, broj 81/15), člana 64. i 89. tačka 15. Statuta Javnog preduzeća „Komunalac“ d.d. Gradačac (broj: 02/1-2319/09 od 16.10.2009.godine), Nadzorni odbor na prijedlog uprave društva na 34. sjednici, održanoj 17.12.2018. godine d o n o s i

Odluku o sazivanju 28. (vanredne) Skupštine Javnog preduzeća „Komunalac“ d.d. Gradačac

Član 1.

Nadzorni odbor saziva 28 (vanrednu) Skupštinu Javnog preduzeća „Komunalac“ d.d. Gradačac, koja će se održati u prostorijama društva u Gradačcu, ul. H.K.Gradašćevića 114, **dana 04.01.2019.** godine sa početkom rada u 10,00 sati. (u daljem tekstu Skupština)

Član 2.

Za sjednicu Skupštine društva predlaže se slijedeći,

D N E V N I R E D

1. Izbor predsjednika Skupštine i dva ovjerivača zapisnika;
2. Donošenje odluke o razrješenju privremenog člana Nadzornog odbora JP „Komunalac“ d.d. Gradačac;
3. Donošenje Odluke o imenovanju jednog člana Nadzornog odbora JP „Komunalac“ dd Gradačac do isteka mandata izabranim članovima Nadzornog odbora;

Član 3.

Skupštini društva mogu prisustvovati dioničari ili punomoćnici dioničara koji se prijave Odboru za glasanje prije početka rada Skupštine najkasnije tri (3) dana prije dana određenog za održavanje Skupštine društva.

Član 4.

Pravo odlučivanja na Skupštini ima dioničar koji se na Listi dioničara kod Registra vrijednosnih papira FBiH nalazi 30 dana prije datuma održavanja Skupštine ili posljednjeg radnog dana koji prethodi tom roku ako on pada u neradni dan.

Član 5.

Obavještenje o dnevnom redu, mjestu, datumu i vremenu održavanja Skupštine, te načinu davanja punomoći i načinu glasanja na Skupštini objaviti će se na internet stranici preduzeća kao i u dnevnom listu koji se izdaje u FBiH, najkasnije 14 dana prije datuma određenog za zasijedanje Skupštine.

Član 6.

U Odbor za glasanje za 28. (vanrednu) sjednicu Skupštine JP „Komunalac“ d.d. Gradačac, imenuju se:

1. Novalić Rasima, za predsjednika;
2. Hećimović Almir, za člana i
3. Softić Adnan, za člana.

Član 7.

Nadležnost Odbora za glasanje iz prethodnog člana ove odluke je:

- sačinjava spisak prisutnih, odnosno zastupljenih dioničara i njihovih punomoćnika na skupštini i verifikuje njihov identitet;

- utvrđuje ukupan broj glasova i broj glasova svakog dioničara i punomoćnika;
- utvrđuje kvorum;
- utvrđuje rezultate glasanja;
- predaje predsjedavajućem skupštine glasačke listiće, spisak prisutnih / zastupljenih dioničara i druge dokumente u vezi vršenja svojih nadležnosti i
- vrši i druge poslove u skladu sa Zakonom o privrednim društvima, Pravilnikom o upravljanju dioničkim društvima i odredbama Statuta JP „Komunalac“ d.d. Gradačac.

Član 8.

Zapisnik će voditi Mulahalilović Enver zaposlen u JP „Komunalac“ d.d. Gradačac.

Član 9.

Sekretar društva će u saradnji sa stručnim službama društva blagovremeno izvršiti organizacione i tehničke pripreme, realizaciju pravnih postupaka i procedura prilikom sazivanja, održavanja i odlučivanja skupštine dioničkog društva u skladu sa odredbama Zakona o privrednim društvima, Pravilnika o upravljanju dioničkim društvima, Statuta društva i Poslovnika o radu Skupštine društva.

Član 10.

Ovu odluku objaviti na oglasnoj tabli društva.

Član 11.

Ova odluka stupa na snagu danom donošenja.

JP „Komunalac“ d.d. Gradačac
Broj: 01/1- 99-4/18-NO
Datum: 17.12.2018. godine



Predsjednik Nadzornog odbora

Alić Midhat

DOSTAVITI:

1. Upravi i sekretaru društva;
2. Predsjedniku i članovima Odbora za glasanje;
3. Zapisničaru;
4. Uz zapisnik.

**JAVNO PREDUZEĆE
„KOMUNALAC“ d.d.
GRADAČAC**

Broj: 01/1-100/18-NO

Datum: 17.12.2018.godine

Na osnovu člana 230. Zakona o privrednim društvima („Službene novine FBiH“, broj 81/15), člana 64. i 89. Statuta Javnog preduzeća „Komunalac“ d.d. Gradačac (broj: 02/1-2319/09 od 16.10.2009.godine) i Odluke o sazivanju 28. (vanredne) Skupštine JP „Komunalac“ d.d. Gradačac, broj 01/1-99-4/18-NO od 17.12.2018. godine, Nadzorni odbor objavljuje

O B A V J E Š T E N J E
**O SAZIVANJU 28. (VANREDNE) SKUPŠTINE JAVNOG PREDUZEĆA „KOMUNALAC“ D.D.
GRADAČAC**

I 28. (vanredna) skupština javnog preduzeća „Komunalac“ d.d. Gradačac održat će se dana **04.01.2019.** godine (PETAK) sa početkom u 10:00 sati, u prostorijama Društva, ul. H.K.Gradašćevića br.114, Gradačac.

II Skupština može odlučivati ukoliko su zastupljeni, lično ili putem punomoćnika, dioničari s više od 30% dionica s pravom glasa. Ukoliko kvorum za odlučivanje nije postignut održavanje Skupštine se odlaže.

III Za 28. (vanrednu) Skupštinu dioničara Javnog preduzeća „Komunalac“ d.d. Gradačac utvrđen je sljedeći

D N E V N I R E D

- 1. Izbor predsjednika Skupštine i dva ovjerivača zapisnika;**
- 2. Donošenje Odluke o razrješenju privremenog člana Nadzornog odbora JP „Komunalac“ d.d. Gradačac;**
- 3. Donošenje Odluke o imenovanju jednog člana Nadzornog odbora JP „Komunalac“ d.d. Gradačac do isteka mandata izabranim članovima Nadzornog odbora;**

IV Do izbora predsjednika Skupštine, Skupštinu vodi dioničar/punomoćnik sa najvećim brojem dionica. Utvrđivanje kvoruma i rezultata glasanja vrši Odbor za glasanje koji čine: predsjednik Novalić Rasima, članovi: Hećimović Almir i Softić Adnan.

V Pravo učešća i odlučivanja na Skupštini imaju dioničari koji su se prijavili odboru za glasanje i koji su se nalazili na listi dioničara kod Komisije vrijednosnih papira u FBiH 30 dana prije datuma određenog za održavanje Skupštine ili posljednjeg radnog dana koji predhodi tom roku ako on pada u neradni dan.

VI Skupštini mogu prisustvovati dioničari ili punomoćnici dioničara koji su se prijavili Odboru za glasanje najkasnije tri dana prije dana određenog za održavanje Skupštine. Prijava se može podnijeti neposredno u prostorijama Društva, ili poštom na adresu JP „Komunalac“ d.d. Gradačac H.K. Gradašćevića 114, najkasnije 3 dana prije dana određenog za održavanje Skupštine.

VII Dioničar ili grupa dioničara sa najmanje 5% ukupnog broja dionica s pravom glasa ima pravo pismeno predložiti izmjenu i dopunu dnevnog reda i prijedloge odluka Nadzornom odboru JP „Komunalac“ d.d. Gradačac najkasnije osam dana od dana objavljivanja obavještenja.

VIII Registracija prijavljenih dioničara i punomoćnika dioničara vršit će se dana 04.01.2019. godine od 9:30 do 10:00 sati, u prostorijama JP „Komunalac“ d.d. Gradačac.

Dioničar ili punomoćnik dioničara ima pravo, počev od dana objavljivanja obavještenja o sazivanju Skupštine u prostorijama JP „Komunalac“ d.d. Gradačac, izvršiti uvid u isprave i materijale pripremljene za Skupštinu.

**Predsjednik Nadzornog odbora**
Alić Midhat
